

Այս նույն հարկը էրզանիի կանուն-նամեում հալտնի է նաև «ռեսմ-ի մուշակ» («Resm-i müşak») անվան տակ: «Մուշակ»-ը հավանաբար հայերեն մշակն է, որովհետև նույն կանուն-նամեում ասված է, որ դա գանձվում է հայերից, իսկ մուսուլմաններից չի գանձվել¹:

«Ռեսմ-ի մուշակը» կամ տարեկան վեց օր ծառայություն էր, կամ 24 ակչև հատուցում²:

«Ռեսմ-ի մարհասիե» («Resm-i marhasiye»)՝ քրիստոնյա հոգևորականությունը հարկերից «մուաֆ» կամ «մուսավլեմ» (ազատ) թողնելու համար քրիստոնյա հպատակներից գանձված հարկի անունն է:

Կամախի կանուն-նամեում ասված է, որ Կամախի կազայի (փոքր վարչական միավորում) հայերին նշանակված է 11 հազար ակչև, իսկ էրզնջանին՝ տարեկան 8 հազար 250 ակչև, այնպես որ լուրաքանչյուր տնից գանձվել է 15 ակչև «ռեսմ-ի մարհասիե»: Տեղի հայերը բողոքել են Բ. Դոանը, նշելով, որ «Սա ևս մեզ համար մի ավելորդ խարաջ եղավ»³: Իսկ Գյուլըջիստանի կանուն-նամեում ասված է, որ Գյուլըջիստանի վելայեթում «մարհասիե» ասելով լուրաքանչյուր անձից երկուական ակչև է գանձվել⁴:

ԱՌԵՎՏՐԻՅ ԳԱՆՁՎՈՂ ՀԱՐԿԵՐԸ

Արևմտյան և Հարավային Հայաստանի քաղաքները (Վան, Էրզրում, Կամախ, Երզնկա և այլն) 16-րդ դարում հանդիսանում էին առևտրա-արհեստագործական կենտրոններ: Եվ պատահական չէ, որ այս վելայեթներին կանուն-նամեները հիմնականում նվիրված են առևտրից գանձվող հարկերի թվարկմանը:

Այս փաստաթղթերի ուսումնասիրությունը ցույց է տալիս, որ պետությունը փաստորեն հարկ էր վերցնում համարյա բոլոր՝ ինչպես տեղում ծախվող, այնպես էլ տրանզիտային ապրանքներից:

Այս հարկերը հիմնականում հալտնի են «բաշ», «բաշ-ի բազար» (bac-i bazar), «բաշ-ի թամդա» (bac-i tamga), «թամդա-ի սիահ» («tamga-i siyah»), «բաշ-ի բուզուրգ» («bac-i buzurg»)՝ «իհտիսաբ սևամի» («ihtisap resmi»), «մուխտասիր-ի էհտիսաբիե» (muhtesib-i ihtisabie) և այլ տերմիններով: Այս հարկերի նշանակումը վերագրվում է Ակ-կոյունլուների տիրակալ Ուզուն Հասանին:

Օմեր Լութֆի Բարքանը իր «Օսմանցիների ժամանակ Ակ-կոյունլու տիրակալ Ուզուն Հասան բեկին վերաբերող օրենքները» հոդվածում տալիս է այս տերմինների հետևյալ բացատրությունը:

«Բաշ բառը ընդհանրապես հարկ իմաստով է օգտագործված: «Բաշ-ի թամդա» (կնիքի) հարկ ասել է: Թամդայի նշանակությունը պարզ է. քաղաքում առնվող ու ծախվող ամեն տեսակի ապրանքներից, գործված կերպասից և մորթված կենդանիներից գանձվող հարկի անունն է: Սրան մեծ մասամբ սև կնիք («թամդա-ի սիահ») ևս կասվի: Տրանզիտ կերպով երկրից անցնող և կամ թե երկրում մնալու համար բերված ապրանքներից գանձվող մաքսա-

¹ Defter-i yasaha livai-i Ergani, 151.

² Տե՛ս տեղում:

³ *Şek'ü*, Fasl-i tamga-i siyah-i kaza-i kemah ve Erzincan, s. 187.

⁴ Gürcistan kanunnâmesi, s. 199.